



Claudii Fleurii Abbatis Historia Ecclesiastica

Ab anno Christi 1415. usque ad annum 1431

Fleury, Claude

August. Vind. [u.a.], 1768

VD18 90118294

§. 52. Congregatio Nationum pro electione Pontificis.

[urn:nbn:de:hbz:466:1-66272](#)

rant. Hunc Joannes XXIII, Onuphrio Sæcul. XV.
teste, Cardinalem Presbyterum creavit A.C.1417.
Anno Domini millesimo quadringentesi-
mo undecimo; attamen acta Concilii il-
lum hac prærogativa nuspian honorant.

§. LII.

Congregatio Nationum pro electione Pontificis.

Quinta ab obitu Episcopi die seu nona *Ibid.p.1419.*
Septembris in Ecclesia Cathedrali
conventum celebrarunt Nationes, ut de
electione, ac revocanda disciplina deli-
berarent. In ea Cardinales unacum Ita-
lis, Gallis atque Hispanis exhibebant li-
bellum, in quo de dilata Pontificis elec-
tione gravi verborum vi conqueruntur,
afferentes, timendum fore, ne ejusmodi
cunctatio Ecclesiam inficeret schismate
novo, eoque magis insanabili, quam præ-
sens esset, cui medelam quærere hucus-
que satagunt. His subjungunt, Cardi-
nales unacum tribus Nationibus, quæ se-
se illis associassent, haud segniori quidem
erga reformationem fervore studio, hanc
tamen omnino electioni Pontificis præ-
ponendam, haud sibi videri, eoque nil
magis deforme in Ecclesia esset, quam
corpus sine capite, aliunde vero reforma-
tionem electioni præmittere, perinde esse,
ac si Concilii decretis, necnon Narbon-
ensi

Sacul. XV.
A.C. 1417.

nensi Capitulationi ex composito refragetur, cum in illis unio Ecclesiæ constanter reformationi præponeretur; tandem asserebant, ex viginti quatuor Cardinalibus duos duntaxat Imperatoris sententiæ accedere, qui sibi pudori ducerent, confratrum suorum Collegium deseruisse.

§. LIII.

Cæsar ob Cardinalium libellum indignatus.

Cardinalium libellus tantopere Cæsaris animum commoverat, ut ulterioris lectionis impatiens, indignabundus cum Patriarcha Antiocheno e cætu abiret. Hujus dissidii occasionem Oratores Castellani, qui jam antea cum Arragonensisbus de Sedis prærogativa contenderant, opportune in rem suam vertentes, Constantia excedebant; verum Imperator paucis ab urbe stadiis comprehendi jussos redire compulit. Idem quoque Cardinalibus inhibuit, ne sequenti die vel in Ecclesia Cathedrali vel in Episcopali Palatio convenirent; hi autem Imperatoris indignationem veriti, Electorem Brandenburgicum, necnon Senatum Constantiensem adibant, securitatis literas impletaturi, ut & ipsis tuto discedere liceret. Verum Elector eos, ut subsisterent, induxit.

§. LIV.